

quædam, inter quæ primaria est *Haga* Comitatus, in quo & Sanctiori Principis Ordinumque Consilio locus est & forum litibus solvendis dicatum. Quod ad Statum huius Comitatus Politicum, cum tres Ordines constituunt, quorum Primus sunt Equites aurati (*Ridderheren* vocant) eorum præcipui sunt Comites *egmond*, *Lignè* cuius sunt Dominia, *Wassenar*, *Valckenborch* & Vicecomitatus *Leidenfis* Civitatis. Invenio & hos Comitatus in *Hollandia*, *Meeslant*, *Texel*, *Goylandt*, *Kennemerlandt*, *Steenberge*. Domini & Barones, *Brederode* cuius est & Dominium *Vianen*; Baronatus de *Lijsfelt*. Invenio & inter Baronatus in Chronico *Hollandiæ* numerari hæc dominia, *Lecke*, *Sevenbergen*, *Voorn*, *Iffelsein*, *Stryen*, *Teylingen*, *Puttem*, *Harlem*, *Leerdam*, *Asperen*, *Arckel*, *Altena*, *Botterloet*. Secundus ordo est Dominorum, quorum qui nomine Statuum in *Haga* Comitatus comparere solent, sunt hi præcipue, *Poelgeest*, *Polanen*, *Lockhorst*, *Assendelft*, *VVarmona*, *Sparvroude*, *Matenes*, *Schooten*, *Noortvuyck*, *Verdoes*, forte, *Does*, *Myne van Amstel*, *Spangen*, *Alckemade*, *Benthuyssen*, *Kenenborch*, *Raaphorst*, *Soveten*, *Heemskercke*, *Ruven*, *Duyn* & *Sprangen*. Sunt prætetea & hæc in *Hollandia* Dominia *Hoefden*, *Oudhoefden*, *Papendrecht*, *VVinngarden*, *Ghissenborch*, *Ameyde*, *VVoerden*, *VWaterlandt*, *Schagen*, *Purmerende*, *Gonde*, *Naeldvuyck*, *Rijsvuyck*, *Schoonhoven*, *VWateringen*, *Soetermeer*, *Heemstede*, *Heichtvroude*, *Mervven*, *Haestrecht*, *Dalen*, *Spijk*, *Hardichsvelt*, *Bardvuyck*, *VWyck*. Tertius Ordo sunt vi magnæ Civitates, quæ nomine omnium *Hagam* convocantur, quæ sunt *Durdrechtum*; hæc habet Prætorem & Magistratum, cui Cives parent, & Baillivum cui exterius territorium, tam in Civilibus, quam in Criminalibus. *Harkemum*, Prætorem & Magistratum domi habet: Ruri Baillivum, qui in Civilibus & Criminalibus præsent. *Delphi*, Prætorem & Magistratum pro Civibus, Baillivum pro Rusticis habent, in Civilibus & Criminalibus Iurisdictionem habentes. *Lugdunum*, hic Prætor & Magistratus intus, foris Baillivus præsent, qui in Civilibus & Criminalibus Iurisdictionem habent. *Amstelodamum*, intus Prætorem & Magistratum, ruri baillivum habet qui Civilia & Criminalia judicant. *Gonda*, Prætorem & Magistratum habet pro Civibus & Incolis, Baillivum quoque & Arcis Præfectum.

Nunc de Episcopatu *Ultrajectino* paucula subijciamus. *Trajectum* quondam *Antonia*, nunc *Utrecht* dicitur. Id *Iunius* ex eo factum putat, quod ibi quintæ tricesimæ legionis stativa essent. Itaque quum imperitum vulgus legeret *V. TRIC. LEG. STAT.* fecit ex eo *V. TRIC.* quod postea abiit in *Utrecht*. Templâ in hac urbe per multa sunt, primaria vero quinque. Inter Opida vero quæ *Ultrajectinæ* Provinciæ subdita sunt, primum occurrit *Batavodurum* ad *Rheni* elicem *Leccam*, cuius mentionem *Tacitus* facit lib. v. *Histor.* postea vero nomen habuit *Durostati*, Incolis *Wyckte Durstede*; *Vrbs* fuit potens & opibus florens: sed a *Normannis* fæde excisa dirutaque. *Trajectensis* ditio per se Statum habet 111 Membris constantem. Primum Membrum *Clerus* primarius v Collegiorum *Vrbis*: Secundum *Nobilitas*: Tertium v Civitates capitales *Trajectum*, *Amerfordia*, *Batavodurum*, *Rhenes*, *Monfortium*. Ex omnibus vero *Dioecesebus* iuridicis prima instantia provocatur ad Consilium Provinciale in *Hagam* Comitatus, ubi summa est *Hollandiæ* Iurdictio & Comitatus Consilium. Inde ad Magnum Consilium *Mechliniense* solebat fieri appellatio.

Episcopatus *Ultrajectinus*.
Vrbs & Opida.